

Gairm gu Ùrnaigh: Latha na Sàbaid, 16mh dhen Lùnastal 2020

Ùrnaigh aig 7f

Uaireannan, nuair a cheannaicheas sinn rudeigin, bidh sinn ag atharrachadh ar n-intinn agus a' dol air ais dhan bhùth leis na ceannaich sinn. Ach anns na mìosan a chaidh seachad, chan eil fiù 's rudan sìmplidh mar sin air a bhith furasta dhuinn, agus mar sin, ma dh'fhaoidte, bidh sinn a' cumail oirnn leis na cheannaich sinn an toiseach, gun a bhith a' faighinn rudeigin ùr na àite.

Sgrìobh an t-Abstol Pòl gu bheil "tiodhlacan is gairm Dhè gun atharrachadh" (Ròmanaich 11: 29). Rinn Dia roghainn, agus b' e a roghainn sluagh dha fhèin a thoirt gu bhith, agus cùmhnant a dhèanamh leotha. Agus chan atharrachadh e a bheachd. Tha Dia fhathast dìleas dhan chùmhnant seo, agus do ghealladh a' chùmhnant air a stèidheachadh a-rithist tro Ìosa Crìosd. Cuireamaid ar n-earbsa anns an fhìrinn seo, agus dèanamaid ùrnaigh dhan Tighearna:

A Dhè dhìleis,
Ghairm thu sinn gu bhith coisrigte mar shluagh dhut fhèin.
Tha sinn a' togail taing dhut, oir tha do ghairm a' mairsinn fhathast, fìor agus foirfe.
Deònaich gun lean sinn do ghairm gu dìleas an-diugh.
A Thighearna, na do thròcair,
èist ri ar n-ùrnaigh.

A Dhè dhìleis,
Is tusa an Dia a rinn cùmhnant le do shluagh.
Tha sinn a' togail taing dhut, oir tha thu a' cuimhneachadh oirnn, fiù 's nuair a dhìochuimhneachas sinn thu.
Cuimhnich oirnn an-diugh, orra-san uile a tha a' siubhal air rathaidean doirbh.
A Thighearna, na do thròcair,
èist ri ar n-ùrnaigh.

A Dhè dhìleis,
Cha ghabh do thiodhlacan dhuinn an cunntadh.
Tha sinn a' togail taing dhut airson tiodhlac na beatha,
a fhuair sinn as ùr bho Ìosa Crìosd.
A Thighearna, na do thròcair,
èist ri ar n-ùrnaigh.

A Dhè dhìleis,

Tha thu tròcaireach agus gràs mhòr, agus pailt ann an coibhneas gràidh.
Nuair a tha gach rud mu thimcheall oirnn ag atharrachadh agus mì-chinnteach,
lorgaidh sinn thu, agus chì sinn gu bheil thu earbsach, seasmach an còmhnaidh.
A Thighearna, na do thròcair,
èist ri ar n-ùrnaigh.

A Dhè dhìleis,
Is tusa an Dia a bhriseas sìos am balla, gar buachailleachd cruinn còmhla ann an
Ìosa Crìosd.

Deònaich dhuinn an leirsinn gus crìoch a chuir air sgaradh agus strì, agus
beatha ùr fhaighinn ann an càirdeas le càch a chèile.

A Thighearna, na do thròcair,
èist ri ar n-ùrnaigh.

Soidhnichte:

- An Ceart Urramach Màrtainn Fair, Moderàtor Àrd-Sheanadh Eaglais na h-Alba
- Am Fìor Urramach Leo Cushley, Àrd-Easbaig Chill Rìmhinn agus Dùn Èideann
- Am Fìor Urramach Marcus Strange, Primus as leth Colaiste nan Easbaigean, Eaglais Easbaigeach na h-Alba
- An t-Urramach Iain Fulton, Moderàtor, Eaglais Shaor Aonaichte na h-Alba
- An t-Urramach Daibhidh Pickering, Moderàtor, Eaglais Ath-Leasaichte Aonaichte (Alba)
- An t-Urramach Màrtainn Hodson, Àrd-Stiùiriche, Aonadh Baisteach na h-Alba
- An t-Urramach Marcus Slaney, Cathraiche Roinn-Dùthcha, Eaglais nam Methodach (Alba)
- An t-Urramach May-Kane Logan, Cathraiche, Caidreachas Co-thionalach ann an Alba
- Lt. Col. Carol Bailey, Rùnaire na h-Alba, Feachd na Slàinte
- Adwao Bittle, Comann nan Caraidean (Cuagairean)
- An t-Urramach Jim Ritchie, Àrd-Neach-Stiùiridh Roinn-Dùthcha, Eileanan Bhreatainn, Eaglais an Nàsaraich
- Aoghaire Chris Gbenle, Aoghaire Roinn-Dùthcha, Mòr-Roinn na h-Alba, Eaglais Chrìosdal air Saoradh le Dia
- Easbaig Francis Alao, Eaglais Dhè (Alba)/ Eaglaisean nam mìon-shluagh còmhla ann an Alba (MECTIS)
- An t-Urramach Fred Drummond, Stiùiriche, Caidreachas Soisgeulach (Alba)